

Na osnovu člana 33. Statuta AUFBiH, te zaključaka Skupštine AUFBiH, Upravni odbor AUFBiH donosi

## **PRAVILNIK o organizaciji međunarodnih izložbi u Bosni i Hercegovini**

### **Član 1.**

Ovim Pravilnikom o organizaciji međunarodnih izložbi (u daljem tekstu - Pravilnik) reguliše se provođenje organizacije međunarodnih izložbi fotografija u Bosni i Hercegovini čiji su pokrovitelji AUFBiH, FIAP, PSA te druge međunarodne organizacije i asocijacije.

### **Član 2.**

Međunarodne izložbe fotografija pod međunarodnim pokroviteljstvom mogu organizovati samo organizacije sa statusom pravnog lica i registrovane u AUFBiH. Svaki Klub organizator može organizovati do maksimalno 4 međunarodne izložbe u toku kalendarske godine, a od toga jedna može biti cirkularna izložba. Pod pojmom Klub smatra se registrovana organizacija sa statusom pravnog lica i sa učlanjenih 6 članova u AUFBiH sa plaćenom članarinom za tekuću godinu.

### **Član 3.**

Klub organizator izložbe podnosi prijavu za organizaciju međunarodne izložbe fotografija na propisanom obrascu i uz uplatu predviđene takse. Uz prijavu podnosi se i tekst propozicija izložbe. Na osnovu prijave organizator dobiva certifikat o pokroviteljstvu nad izložbom fotografija.

### **Član 4.**

Taksa za međunarodne izložbe čiji je organizator članica AUFBiH iznosi 50 KM, a za cirkularne izložbe ukoliko nosilac nije organizacija članica AUFBiH 50 € .

### **Član 5.**

Svaka međunarodna izložba mora imati pokroviteljstvo AUFBiH na taj način da se na svakoj izložbi dodjeljuju zlatna, srebrna i bronzana medalja AUF BiH za svaku propisanu temu i potreban broj pohvala. Broj pohvala određuje organizator. Medalje i pohvale nabavljaju se u AUFBiH po cijenama koje odredi Upravni odbor AUFBiH. Izgled medalje i pohvale dat je u prilogu Pravilnika i njegov je sastavni dio.

### **Član 6.**

Svaka izložba mora imati propisanu autorsku kotizaciju čiju visinu određuje organizator s tim da je za članove AUFBiH kotizacija u iznosu 50% od visine određene kotizacije što se mora posebno naglasiti u propozicijama.

### **Član 7.**

Svi članovi žirija moraju biti članovi AUFBiH sa međunarodnim FIAP zvanjima. Iznimno u cilju ostvarivanja međunarodne saradnje jedan član žirija može biti iz druge države o čemu na prijedlog organizatora odluku donosi FIAP lising oficer AUFBiH. Žiri broji tri člana i jednog zamjenika

ka člana žirija. Kalendar izložbe i spisak članova žirija i zamjenika žirija je obavezni i sastavni dio propozicija.

#### Član 8.

Klubovi mogu organizaovati i cirkularne izložbe sa klubovima iz drugih zemalja na bazi proporcionalnosti. Organizacija ovih vrsta izložbi mora biti transparentna i u potpunosti u skladu sa članovima 2-7. i člana 10. ovog Pravilnika.

#### Član 9.

Nosilac organizacije cirkularne izložbe dužan je da podnese izvještaj o izložbi koji naročito sadrži broj učesnika, broj država, broj fotografija te finansijske pokazatelje izložbe iz kojih je vidljivo da je organizator iz BiH imao prihod po ovom osnovu.

#### Član 10.

Organizator međunarodne izložbe dužan je da :

- se pridržava propozicija u potpunosti, a posebno kalendara izložbe
- organizuje žiriranje prispjelih radova uz prisustvo svih članova žirija, te ukoliko je jedan član žirija odsutan omogućiti prisustvo zamjenika
- organizuje otvaranje izložbe i obezbjedi prisustvo sredstava informisanja
- izvrši obavještanje učesnika izložbe o rezultatu žiriranja i dostavi potrebnu dokumentaciju (katalog, CD, povratak fotografija - print i sl.) ako je to propozicijama predviđeno i u roku predviđenim kalendarom izložbe

Katalog izložbe je u printanom ili elektronskom zapisu u zavisnosti od pravila FIAP. Ukoliko je katalog u elektronskom obliku organizator je dužan da štampa afišu sa osnovnim podacima o izložbi i određenim brojem fotografija. Tiraž afiše određuje organizator.

#### Član 11.

Nosioci organizacije izložbe, osim predsjednika izložbe, mogu učestvovati na izložbi, ali ne mogu dobivati nagrade o čemu vodi računa predsjednik izložbe.

#### Član 12.

Nakon završetka izložbe svi relevantni podaci i printani materijali dostavljaju se u AUFBiH. Ocjenu kvaliteta organizacije izložbe donosi predsjednik AUFBiH, a na osnovu dostavljenih materijala i dostupnih informacija.

#### Član 13.

Nepoštivanjem ovog Pravilnika kao i dobivanjem negativne ocjene organizacije, organizator gubi pravo na organizaciju međunarodnih izložbi na period koji mu odredi Upravni odbor AUFBiH.

#### Član 13.

Ovaj Pravilnik stupa na snagu 10.03.2016. godine.

Tuzla, 06.03.2016.g.

Broj : 2016 08

Predsjednik :

Ozren Božanović s.r.

## PRILOZI

Izgled medalje u adekvatnom pakovanju za lakše slanje. Na poledini medalje se ispisuju podaci, a naročito : naziv izložbe, autor i naziv fotografije.



Izgled pohvale - kao plava traka sa logom AUFBiH dimenzije 5 x 20 cm

